

օդ վնասակար նյութերի արտանետման համար, ջրային ռեսուրս վնասակար նյութերի և (կամ) միացությունների արտահոսքի համար, ընդերքօգտագործման, արտադրության և (կամ) սպառման թափոնները տեղադրելու և (կամ) պահելու համար բնապահպանական հարկի և (կամ) բնօգտագործման վճարի), որը պետք է ներկայացնի բնապահպանության և ընդերքի տեսչական մարմին՝ հաստատման: *Սակայն, բնապահպանական հարկ վճարողները և բնօգտագործման վճար վճարողները ոչ բոլոր դեպքերում են Տեսչական մարմին ներկայացնում միասնական հարկային հաշվարկի հավելված:*

Այսպիսով, հաշվի առնելով վերոգրյալը, հաշվեքննող խումբը հաշվեքննվող ժամանակաշրջանում՝ 2017թ.-ի հունվարի 1-ից 2018թ.-ի սեպտեմբերի 30-ը, արձանագրել է հետևյալ խեղաթյուրումներն ու անհամապատասխանությունները՝

1. Տեսչական մարմինը պատշաճ չի իրականացրել տնտեսվարող սուբյեկտներին իրազեկելու գործառույթը, ինչը չի համապատասխանում «Տեսչական մարմինների մասին» ՀՀ օրենքի 6-րդ հոդվածի 1-ին մասի 5-րդ կետի և Կանոնադրության 12-րդ կետի 7-րդ ենթակետի դրույթների պահանջներին:
2. Ոչ պատշաճ իրազեկման արդյունքում տնտեսվարող սուբյեկտների կողմից չի կատարվել ՀՀ կառավարության 2017թ. հոկտեմբերի 5-ի № 1291-Ն որոշմամբ հաստատված բնապահպանական հարկի և բնօգտագործման վճարների միասնական հարկային հաշվարկի ներկայացման կարգի 5-րդ կետի պահանջը, այն է՝ միասնական հարկային հաշվարկի հավելվածը հիմնականում չի ներկայացվել բնապահպանության և ընդերքի տեսչական մարմնի հաստատմանը:

Առաջարկություններ՝

Հաշվեքննության ընթացքում արձանագրված անհամապատասխանությունների կամ խեղաթյուրումների վերաբերյալ հաշվեքննության օբյեկտի ղեկավարությանը և այլ շահագրգիռ կողմերին ներկայացվում են հետևյալ առաջարկությունները՝

Տեսչական մարմին՝

1. Կատարել «Տեսչական մարմինների մասին» ՀՀ օրենքի 6-րդ հոդվածի 1-ին մասի 5-րդ կետի և Կանոնադրության 12-րդ կետի 7-րդ ենթակետի դրույթները, այն է՝ տնտեսվարող սուբյեկտի(ների) գործունեությանն առնչվող, տեսչական մարմնի իրավասությանը վերաբերող նոր իրավական ակտեր ընդունվելու կամ ուղեցույցներ հրապարակվելու, ինչպես նաև դրանցում փոփոխություններ կամ լրացումներ կատարվելու դեպքում այդ մասին իրազեկել տնտեսվարող սուբյեկտներին:
2. Հետամուտ լինել, որպեսզի տնտեսվարող սուբյեկտների կողմից միասնական հարկային հաշվարկի հավելվածը ներկայացվի Տեսչական մարմնի հաստատմանը՝ համաձայն ՀՀ կառավարության 2017թ. հոկտեմբերի 5-ի № 1291-Ն որոշմամբ հաստատված բնապահպանական հարկի և բնօգտագործման վճարների միասնական հարկային հաշվարկի ներկայացման կարգի 5-րդ կետի պահանջի:

Հաշվեքննության օբյեկտների ղեկավարների պատասխան

Տեսչական մարմին՝

Տեսչական մարմնի կողմից «Հաշվեքննիչ պալատի մասին» ՀՀ օրենքի 35-րդ հոդվածի 3-րդ մասով սահմանված 10 օրյա ժամկետում չի ներկայացվել առարկություններ և բացատրություններ՝ կազմված հաշվեքննության արձանագրությունում նշված անհամապատասխանությունների կամ խեղաթյուրումների, ինչպես նաև այլ տեղեկատվության վերաբերյալ:

ՀՀ բնապահպանության նախարարություն՝

ՀՀ բնապահպանության նախարարության կողմից այս կետի վերաբերյալ առարկություններ և բացատրություններ չեն ներկայացվել:

XII. ԼԱԲՈՐԱՏՈՐ ՀԵՏԱՀՈՏՈՒԹՅՈՒՆՆԵՐԻ ԲԱԺՆԻ ԿՈՂՄԻՑ ԻՐԱԿԱՆԱՑՎԱԾ ՀԵՏԱՀՈՏՈՒԹՅՈՒՆՆԵՐԸ



Նկար 2

Տեսչական մարմնի լաբորատոր հետազոտությունների բաժինը (նախկինում՝ կենտրոնական լաբորատորիա) իրականացնում է լաբորատոր հետազոտություններ կատարելով ջրի, հողի, գազային միացությունների նմուշառում: Փորձանմուշներում կատարում է աղտոտիչ նյութերի և միացությունների ֆիզիկո-քիմիական անալիզներ և ստացված արդյունքները համեմատում գործող բնապահպանական նորմատիվների հետ, որն էլ հիմք է հանդիսանում շրջակա միջավայրին հասցված վնասի հաշվարկմանը: Լաբորատորիան անալիտիկ հետազոտությունները և գազային միացությունների

չափագրումը իրականացնում է 2006թ. նոյեմբերին համալրված շարժական էկոլոգիական սարքավորումներով, որոնց մի մասը

Թերկոմպլեկտավորված և չստուգաչափված սարքերը և սարքավորումները կասկածի տակ են դնում հետազոտությունների արդյունքների արժանահավատությունը

թերկոմպլեկտավորված է և հնարավոր չէ շահագործել (Տե՛ս նկար 1), իսկ մյուս սարքավորումները տեխնիկապես մաշված են (Տե՛ս նկար 2): Տեսչական մարմնի լաբորատոր հետազոտությունների բաժնին պատկանող լաբորատոր



Նկար 1

սարքերը և սարքավորումները «Չափագիտության ազգային ինստիտուտ» ՓԲԸ կողմից ստուգաչափվել են և ուժի մեջ են մինչև

07.11.2018թ.: Պաշտոնական գրություններով «Չափագիտության ազգային ինստիտուտ» ՓԲԸ և ՀՀ բնապահպանության և ընդերքի տեսչական մարմնից 2017թ. հունվարի 1-ից 2018թ. սեպտեմբերի 30-ը ընկած ժամանակահատվածի համար պահանջված տեսչական մարմնում առկա լաբորատոր սարքերի և սարքավորումների, ինչպես նաև այդ սարքավորումների

ստուգաչափված կամ չստուգաչափված լինելու վերաբերյալ տեղեկատվությունը փաստում է, որ կան սարքեր և սարքավորումներ որոնք ստուգաչափված են բայց չեն աշխատում, կան նաև լաբորատորիայում գրանցված, սակայն չստուգաչափված սարքեր և սարքավորումներ: 2017թ. հունվարի 1-ից մինչև 2018թ.-ի սեպտեմբերի 30-ը ՀՀ բնապահպանության և ընդերքի տեսչական մարմնի լաբորատոր հետազոտությունների բաժնի աշխատակիցների կողմից տեսչական ստուգումներին և ստուգայցերին անմիջական մասնակցությամբ լաբորատոր հետազոտությունները իրականացվել են հիմնականում հետևյալ սարքերով և սարքավորումներով՝ (HACH DR/2400, КОЛНОН-1В – լաբորատորիա այցելության ժամանակ սարքին չէր, սակայն տրվել էր ստուգաչափման վկայական, ГАНК- 4, КРИСМАС – ինդիկատորային նմուշառիչ – ստուգաչափված չէ):

Այսպիսով, հաշվի առնելով վերոգրյալը, հաշվեքննող խումբը հաշվեքննվող ժամանակաշրջանում՝ 2017թ.-ի հունվարի 1-ից 2018թ.-ի սեպտեմբերի 30-ը, արձանագրել է հետևյալ խեղաթյուրումներն ու անհամապատասխանությունները՝

1. Թերկոմպլեկտավորված և չստուգաչափված սարքերը և սարքավորումները կասկածի տակ են դնում հետազոտությունների արդյունքների արժանահավատությունը:
2. «Չափումների միասնականության ապահովման մասին» ՀՀ օրենքի 16-րդ հոդվածի 10-րդ մասի համաձայն օրենսդրական չափագիտական հսկողության ենթակա չստուգաչափված չափման միջոցների շահագործումն արգելվում է:

Առաջարկություններ՝

Հաշվեքննության ընթացքում արձանագրված անհամապատասխանությունների կամ խեղաթյուրումների վերաբերյալ հաշվեքննության օբյեկտի ղեկավարությանը և այլ շահագրգիռ կողմերին ներկայացվում են հետևյալ առաջարկությունները՝

Տեսչական մարմնին՝

1. Լաբորատորիան համալրել ստուգաչափված և ժամանակակից սարքավորումներով՝ շրջակա միջավայրին հասցված վնասի հաշվարկումը ճիշտ կատարելու և հետազոտությունների արդյունքների արժանահավատությունը ապահովելու նպատակով:
2. Ապահովել «Չափումների միասնականության ապահովման մասին» ՀՀ օրենքի 16-րդ հոդվածի 10-րդ մասի պահանջները, այն է՝ շահագործումն իրականացնել միայն օրենսդրական չափագիտական հսկողության ենթակա ստուգաչափված չափման միջոցներով:

Հաշվեքննության օբյեկտների ղեկավարների պատասխան

Տեսչական մարմնին՝

Տեսչական մարմնի կողմից «Հաշվեքննիչ պալատի մասին» ՀՀ օրենքի 35-րդ հոդվածի 3-րդ մասով սահմանված 10 օրյա ժամկետում չի ներկայացվել առարկություններ և բացատրություններ՝ կազմված հաշվեքննության արձանագրությունում նշված անհամապատասխանությունների կամ խեղաթյուրումների, ինչպես նաև այլ տեղեկատվության վերաբերյալ: